

# INUIT ATAQATIGIIT

## INATSISARTUNI



9. december 2013

Inatsisartut suleriaasianni § 37 naapertorlugu Naalakkersuisunut apeqqutit imaattut nassiuppakka:  
(Inatsisartuni ilaasortaq Agathe Fontain, Inuit Ataqatigiit)

### Apeqqutit:

- 1) Sinerissami telepsykiatri qanoq ingerlava?
- 2) Kalaallisut oqaasilimmik telepsykiatri ingerlanneqartarnera annertusarneqassamaarpa?
- 3) Ajornartorsiuteqarsimappat suut ajornartorsiutaappat?
- 4) DIH nutarsarnissaa malillugu, A1 nutaamik taarserneqartussanut tullinguunnikuuvoq. Pilersaarut tamanna malinneqarpa?
- 5) Illutatigut ajornartorsiuteqarpa?
- 6) Suliffigissaaneq eqqarsaatigalugu allanik paasissutissaqarpa?

### Tungavilersuut:

Upernaakkut 2010–mi "Tarnikkut nappaatilinnik sullissinermut tunngasut pillugit nassuiaat" imm, 99-mi Inatsisartuni eqqartorneqarpoq. (Redegørelse for det psykiatriske område 2010, FM/99)

Innersuussutillu amerlasuut innersuussutigineqarput. Innersuussutit pimoorunneqarnissaat pisariaqarpoq, nunatsinni tarnimikkut nappaatillit amerlaqimmata, pitsaanerusumillu sullinneqarnissaat anguniartuaartariaqaratsigu.

Immikkut ilisimasallit nunatsinni amigaatigisaqaagut, ingammik sineriak eqqarsaatigalugu. Sulilu taamaappoq immikkut psykiatrimil ilisimasallit eqqarsaatigalugit maanakkullu kalaallisut oqaasilik ataasiinnaq sulivoq, kissaatiginarporlu amerliartornissat. Ilisimavarpummi paatsoortoqarsimanera pissutaalluni, tarnimikkut nappaatillit, eqqunngitsumik rapportiliunneqartarsimanerat.

Peqqinnissaqarfiup siunissami sineriammi sullissilluarnerunissaanut telemedicin sakkusatut pitsassuartut taaneqarsinnaavoq.

Taamaappoq aamma telepsykiatri eqqarsaatigalugu. Taamaammat soqutigisariaqarparput telepsykiatrimik ingerlatsinerup tutsuiginartuunissaa, sapinngisarlu naapertorlugu annertusarneqartariaqartoq.